



---

Broj:04-04-234/23

Datum: 07.02.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj:12/03), člana 4. Zakona o upravljanju privrednim društvima u nadležnosti Bosansko-podrinjskog kantona Goražde („Službene novine Bosansko-podrinjskog kantona Goražde“, broj 8/05) i Odluke o utvrđivanju standarda i kriterija za imenovanje Skupštine J.P. „Bosansko-podrinjske šume“ d.o.o. Goražde broj: 03-04-2013/20 do dana 30.10.2020 godine, Ministarstvo za privredu Bosansko-podrinjskog kantona Goražde, **r a s p i s u j e:**

**JAVNI OGLAS  
ZA IZBOR I IMENOVANJE PREDSEDNIKA I ČLANOVA SKUPŠTINE  
JP „BOSANSKO-PODRINJSKE ŠUME“ DOO GORAŽDE**

Objavljuje se Javni oglas za imenovanje Predsjednika i članova Skupštine JP „Bosansko-podrinjske šume“ d.o.o. Goražde.

**Opis upražnjene pozicije:**

Skupština društva broji ukupno **5** članova.

Skupština društva nadležna je za: donošenje Statuta i izmjene i dopuni Statuta, donošenju Etičkog kodeksa, povećanju i smanjenju osnovnog kapitala, usvajanju godišnjeg izvještaja društva, načinu pokrivanja gubitaka, raspodjeli dobiti, promjeni oblika i podjeli društva, spajanju sa drugim društvom i pripajanju drugom društvu, izboru i razrješenju članova Nadzornog odbora, glasanju i povjerenju članovima Nadzornog odbora, osnivanju, reorganizaciji i likvidaciji, imenovanju i razrješenju članova Odbora za reviziju, godišnjem obračunu, raspodjeli dobiti i pokrivenju gubitaka, kupovini, prodaji, razmjeni ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine, kao i o takvoj transakciji u manjem obimu, za čije odobrenje je nadležan Nadzorni odbor, ako on takvu predloženu transakciju nije odobrio jednoglasnom odlukom, donošenju poslovnika i pravilnika na prijedlog Nadzornog odbora, donošenju odluke o planu poslovanja, drugim pitanjima bitnim za poslovanje društva, u skladu sa Zakonom i Statutom.

## **Mandat Skupštine J.P. Bosansko-podrinjske šume” d.o.o. Goražde**

Mandat izabranog predsjednika i članova Skupštine J.P. Bosansko-podrinjske šume d.o.o. Goražde traje 4 (četiri) godine.

Skupština J.P. Bosansko-podrinjske šume d.o.o. Goražde sastoji se od predsjednika i četiri člana. Predsjednik se bira iz reda članova Skupštine društva većinom glasova.

Vlada Bosansko-podrinjskog kantona Goražde imenuje Skupštinu J.P. Bosansko-podrinjske šume d.o.o. Goražde na prijedlog resornog ministarstva.

Predsjednik i članovi Skupštine J.P. Bosansko-podrinjske šume d.o.o. Goražde za svoj rad primaju naknadu u skladu sa propisima i naknadama za rad u upravljačkim tijelima.

### **Kandidat za Predsjednika i članove Skupštine J.P. “Bosansko-podrinjske šume” d.o.o. Goražde moraju ispunjavati sljedeće opće uslove:**

1. da su državljani Bosne i Hercegovine,
2. da su osobe starije od 18 godina,
3. da nisu otpušteni iz službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja konkursa,
4. da se na njih ne odnosi član IX. tačka 1. Ustava Bosne i Hercegovine,
5. da nisu osuđivani za krivično djelo ili privredni prestup koji predstavlja smetnju na imenovanje na upražnjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
6. da se protiv kandidata ne vodi krivični postupak,
7. da nisu lica kojem je presudom suda zabranjeno obavljanje aktivnosti na poziciju za koju se kandiduje,
8. da nisu izabrani zvaničnici, nosioci izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti Bosne i Hercegovine („Službene novine Federacije Bosne i Hercegovine“, broj:70/08),
9. da nisu u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH,
10. da nisu članovi Nadzornog odbora, Odbora za reviziju ili Uprave Društva, niti da ima direktni ili indirektni finansijski interes u Društvu.

### **Pored navedenih općih uslova, kandidat koji se imenuje za poziciju Predsjednika i članove skupštine J.P. “Bosansko-podrinjske šume” d.o.o. Goražde moraju ispunjavati i posebne uslove:**

1. da imaju završenu visoku stručnu spremu VSS-VII stepen, odnosno I, II ili III ciklus Bolonjskog sistema studiranja sa najmanje 180 ECTS bodova i to biotehničkih, tehničkih i društvenih nauka,
2. da imaju najmanje 1 (jednu) godinu radnog iskustva u struci od dana diplomiranja,
3. da nisu članovi više od jednog upravljačkog tijela,

4. da posjeduju znanje vezano za nadležnost i rad Skupštine i način rada organa upravljanja privrednim društvima.

**Pored predhodno navedenih uslova za Predsjednika i članove Skupštine neće se imenovati kandidati koji su:**

1. stariji od 65 godina na dan imenovanja,
2. osuđivani za krivična djela i za privredne presteupe ne spojive sa dužnošću u upravljačkim tijelima, 5 (pet) godina od dana pravosnažnosti presude, uključujući i vrijeme zatvorske kazne, prije dana objavljivanja a upražnjene pozicije,
3. lica kojim je presudom suda zabranjeno obavljanje dužnosti u nadležnosti upravljačkih tijela privrednim društvima,
4. u sukobu interesa u smislu Zakona o sukobu interesa u organima vlasti u Federacije Bosne i Hercegovine,
5. da su u finansijskom ili privatnom interesu u društvu u koje se imenuje,
6. da nisu u funkciji u političkoj stranci u smislu člana 5. Zakona o ministarskim, vladinim i drugim imenovanjima.

**Uz prijavu za izbor i imenovanje kandidati su dužni priložiti sljedeću dokumentaciju (originalni dokumenti ili ovjerene kopije dokumenata)**

- kraću biografiju, kontakt telefon i adresu,
- uvjerenje o državljanstvu,
- izvod iz matične knjige rođenih,
- dokaz o stručnoj spremi,
- dokaz o radnom iskustvu,
- uvjerenje o nekažnjavanju ne starije do tri (3) mjeseca
- uvjerenje da se ne vodi krivični postupak ( ne starije od tri (3) mjeseca),
- ovjerenu izjavu da nije otpušten iz državne službe kao rezultat disciplinske mjere na bilo kojem nivou BiH posljednje tri godine,
- ovjerenu izjavu da se na njega ne odnosi član IX tačka 1. Ustava BiH,
- ovjerenu izjavu da nije u sukobu interesa u smislu Zakona o sukobu interesa u organima Vlasti FBiH,
- ovjerenu izjavu da nije u finansijskom ili privatnom sukobu interesa za društvo u koje se nominuju,
- ovjerenu izjavu da nije član Nadzornog odbora, Odbora za reviziju ili Uprave društva,
- ovjerenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH.

Podnosioci prijava s kojima se ne stupa u kontakt u roku od osam (8) dana od isteka roka za podnošenje prijava neće biti uzeti u razmatranje u daljem procesu imenovanja o čemu će biti obavješteni.

Svi kandidati koji budu stavljeni na listu za uži izbor bit će pozvani na intervju pred Komisijom za izbor.

Sva navedena dokumentacija mora biti u originalu ili ovjerene kopije ne starije od tri mjeseca i neće se vršiti povrat iste kandidatima koji su se prijavili na Javni oglas.

Kandidati koje nakon intervjua preporučí Komisija za izbor smatrat će se da su najuspješnije prošli otvorenu konkurenciju.

Kandidati koji budu pozvani na intervju dužni su predati Komisiji originale traženih dokumenata na uvid, odnosno ovjerene kopije.

Javni oglas će biti objavljen u „Službenim novinama Federacije Bosne i Hercegovine“ na web stranici Vlade Bosansko-podrinjskog kantona Goražde i jednom dnevnom listu velikog tiraža.

Oglas ostaje otvoren 15 dana do dana posljednjeg javnog objavljivanja u Službenim novinama Federacije BiH ili jednom dnevnom listu velikog tiraža.

Prijave sa traženom dokumentacijom treba dostaviti lično ili preporučeno putem pošte na adresu Ministarstvo za privredu Bosansko podrinjskog kantona Goražde ulica Maršala Tita br. 5, Goražde sa naznakom „PRIJAVA NA JAVNI OGLAS ZA IMENOVANJE PREDSEDNIKA I ČLANOVA SKUPŠTINE JP „BOSANSKO-PODRINJSKE ŠUME“ d.o.o. GORAŽDE– NE OTVARATI“

Nepotpune i neblagovremene prijave neće se uzeti u razmatranje.

**MINISTAR**

Mithat Hadžiomerović DVM, MVSc